



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1860

CCLXXIII. Schuldverschreibung des Landvogtes Jürgen von Egloffstein für die Stadt Königsberg mit Verpfändung von Mohrin, vom 29. August 1448.

Nutzungsbedingungen

[urn:nbn:de:hbz:466:1-55515](https://nbn-resolving.org/urn:nbn:de:hbz:466:1-55515)

CCLXXIII. Schuldschreibung des Landvogtes Jürgen von Egloffstein für die Stadt Königsberg mit Verpfändung von Mohrin, vom 29. August 1448.

Wy Jurghe vom Eigloffstein, Dutsches Ordens voghedt der Nienmarke, Bekennen vnde dun kundt in diffeme vnseme apenen bryue vor alle den yenen, de en sehn edder horen lesen, Dat wy na rade vnse Rades gebeden vnde geeyschet hebben de vorsichtigen vnse lyuen getruwen Borghermeistere vnde Radtmanne vnser Stad koninghesberghe, Dat sy vns vnde vnse Ampte tu ghude hebben vthgenamen vnd entlehnt dryhundert vnd teyn rinsche guldene van Arndt Neuellinghe, Borger tu Olden Stetin, darvor sy em schollen gheuen alle yar vif vnde twintigh gulden rente vppe sunte Mertens des hilgen bisschoppes dagh, alle de wile de kop steyt, Also Ere breff vthwifet, den sy Arndt Neuellinghe vorghescreuen dar vp gegheuen hebben vnde wo wol sy vnde ere Nakomelinghe des Rades des suluen bauenghescreuen houetstuls myd der rente houetlude vnde sulschuldighe van vnser vnde vnse amptis wegen gheworden syn, Doch is dat gheldt in ere edder erer Stadt not vnde behuff nicht ghekomen, Sunder wy hebben de dryhundert vnde teyn ghude rinsche ghulden gentzliken vnde thu ghuder ghentighe vortan entfangen vnde de vortd in vnse Ordens nut vnde fromen gebrocht vnde groten schaden dar myt gekeret, Na rade, met willen, witschop vnde sulbort der Erlamen hern hanfes van kokeritz, houetman tu Coftrin, heren Simon fleghel vnse kumpans vnde vnse ghemeynen rades. Vnde disse kop schal nicht lengher stan, dan nu van sunte Merten neghest komende von datum disses bryues an ouer eyn Jar eddir vyrtelyn daghe darna ane geder. Denne so scholen wy edder vnse Nakomelinghe deme Rade thu koninghesberghe vthrichten vnde gheuen dryhundert vnde teyn rinsche ghulden houetstuls vnde viff vnde twintigh gulden renten nach vthwyfinghe eres bryues, den sy Arnd neuellinge dar vp gegeuen hebben sunder ennigerleye argelift, Inual edder bekummernisse geystlikes edder werltlykes rechtes vnde fundir eren vnde erer nakomelinghe hynder vnde schaden. Weret ock sake, dat wy bynnen der thydt der bothalinghe van vnser ampte entfettet würden vnde vnse nakomelinge sulker bethalinghe nicht annamen wolden; So laue wy vte dissen landen der Nienmarcke nicht tu scheyden, wi hebben denne deme Rade thu koninghesberghe sulken summen gheldes houetstul vnde renthe mydt sampt deme schaden wol betalet vnde tu genughe vth gerichtet. Vmme mehr sekericheit vnde sterflicher dinghe willen, so hebbe wy deme vorghescreuen vnse lyuen trauen Rade in de handt gefettet vnde gelegen vnde ligen en in craft disses bryues Moryn myt allen vpboren, nutticheit vnde rechticheit, als wy dat bette her von vnse Ordens wegen gehat hebben vnde alle dat in synen grentzen legen is, also bescheyden, wen de thydt der bethalinghe vorgescreuen kumpt vnde sy von schult vnde van schaden nicht genamen wurden, als vor beruret steyt, Dat se sick des scholen bruken, alle wy vns des bette her gebroket hebben, vngehendert van vns edder vnser nakomelingen, also langhe, dat en sulck houetstul vnde rente myd dem schaden, he were tu cristen edder tu Juden, edder wo de schade thu queme, de bowillik were, tu gantzer genughe wol vterichtet vnde betalet fyndt: vnde wen dat denne so ghescheen is, so scholen sy myd eren nakomelingen vns vnde vnse nakomelinge dat vorgescreuen ghudt Morin, also alle sy dat in erer lehnunghe hadden, wedder auetreden vnde dar neynen hinder ane don. Alle disse vorgescreuen Artikele vnde stucken vnde eyn yslik by sick lauen wi hir nagheschreuen borgen, Also Ruloff Witte tu glasow, Otto van der Marwitz tu Czantog, Eggert lidow tu den torne, Junge Clawes van der marwytzs tu Berenfelde, hen-

nink van ellinghen tu den bellingen, Arnd van der Ost tu schiltberge, Merten van scheninge tu grabow, Czander sack tu blankenuelde vnde hans block tu botteruelde wonastig, myt eyner rechten voruolgeden samenden hant vnde seggen alle ya den ergedachten borgermeistren vnde Radtmannen tu konigselbergh vnde eren nakomelingen met vnfem hern Eren Jurgen vom Eigloffstein, vogede vorgedocht, stede vnde vaste tu holdende alle truwe borgen vnde waren medelouer in louen vnde guden truwen: vnde oft en an der botalinghe houetfuls, renten edder schaden brock würde edder Inual geschege an deme gude tu morin, Dat wi see bi der leenware willen beholden in der wyse, alle vorgeruret is, vnde wy willen en fulken houetful, rente vnde schaden suluen vtrichten fundir ennigerleie hulperede, hindernisse edder bekommernisse geistlikes eddir werlikes rechtes ane alles gefere in guden truwen. Thu Orkunde vnde mer bekentnisse alle disser dingh, hebben wi Jurge vom Eigloffstein, vogt ergenant, vor vns vnde vnse nakomelinge vnser Amptes vnde wy borgen alle eyn gewelik vor sikk met sulker samenden hant vnse Ingesegele myd willen vnde wilschop laten hengen an dissen apen bryff, Geuen na der bort christi Dufent vyrbundert, dar na ame acht vnde vyrtigsten iare, ame dage decollacionis Johannis ewangeliste.

Nach dem Originale des Königsberger Stadtarchives No. 230.

CCLXXIV. Der Landvogt Hans Tobenecker genehmigt eine der Stadt Königsberg von Heinrich Strauß gemachte Verpfändung von Heubungen aus Viezenitz, am 8. Januar 1449.

Vor allen, dar disse briff vorkumet, ene sehen edder horen lesen, Bekenne wy hans Tobenecker, dutschis Ordens vaged der Nyenmarke, apenbar, Dat wy vmme sitiger bede willen des Erbaren vnser leuen getruwen hinrik Strufzes thu hogenkrogenik gelegen hebben vnde gegenwordichliken in Crafft vnde maght disses vnser breues lygen, Den vorsichtigen vnseren leuen getruwen Borgermeistren vnde Radtmannen to konigselberge, de nu syn vnde in tokamenden tyden werden, vesseigen mark jarliker rente in deme dorpe vitenitze vp velowes hane, munte als in der Nyen Marke gangkene is, thu eyneme wedderkope, als dat de kopbriff, den hinrik Strufz deme Rade to konigselberge dar ouer gegheuen hefft, clerliken vthwifet. De suluen vorgeanten vesseigen mark jarliker rente de genante hinrik strufz vp des Rades to konigselberge behuff willichliken vor vns vorlathen hefft. De de Rad to konigselberge vp martini heuen Scholen vnde mogen to der vitenitze, als vor berurt is, alle Jar frey vnde fredesam vor hinrik Strufze, syne Brudere vnde eruen, de wile dat gelt nicht affgelofet is. Ok schal vns hinrik strufz dar van dynen, gelik anderen vnseren Erbar mannen. To eyneme Inwysere hebbe wy dem Rade thu konigselberge vnseren leuen getruwen Arnd van der Ost thu Schyltberge gegheuen. Hir ouer synt geweset de Erfamen vnde Erbaren vnse Rede vnde leuen getruwen her Johan Czorges, domprauest thum Soldin, Jacob Strufz, vnser Seryuer vnde mer loueswerdige vnde groter orkunde mit vnser ampts angehangenen Ingesegele vorsegelt. Gegheuen to